



**ԵՐՈՒՍԱՂԵՄԻ ՀԱՅՈՑ ԱՄԵՆԱՊԱՏԻՎ Տ. ԵՂԻՉԵ
ՍՐԲԱԶԱՆ ՊԱՏՐԻԱՐԷԸ ՄԱՅՐ ԱԹՈՌՈՒՄ**

Նոյեմբերի 4-ին, շաբաթ օրը, երեկոյան ժամը 20-ին, Ամենայն Հայոց Վեհափառ Հայրապետի հրավերով Մայր Աթոռ ս. Էջմիածին է ժամանում Երուսաղեմի հայոց ամենապատիվ տ. Եղիշե սրբազան պատրիարքը:

Նորին ամենապատվոյանը ողնկցում էր Երուսաղեմի հայոց Ժառանգաւորաց վարժարանի և ընծայարանի տեսուչ ու պատրիարքարանի դիվանապետ տ. Ծաֆնե եպս. Աճեմյանը:

Երևանի օրանավակայանում նորին ամենապատվոյանը, հանուն Հայոց Հայրապետի, ողջունում և բարի գալուստ է մաղթում Մայր տաճարի լուսարարապետ տ. Հուսիկ եպս. Մանթուրյանը՝ ընկերակցությամբ Մայր Աթոռի միջնկէտէցական հարաբերությունների բաժնի վարիչ տ. Արսեն ծ. վրդ. Բերբերյանի, տ. Մուշեղ, տ. Աղան վարդապետների և տ. Մասիս արեղայի:

Նորին ամենապատվոյունը «Հրաշափառ»-ով ու կէտէցական թատրոնով մուտք է գործում Մայր տաճար, ուր իր աղոթքն ու ուխտը կատարելուց հետո ստաշնորդվում է Վեհարան, ուր Հայոց Հայրապետի հետ ունենում է ողջագոյրում ջերմ մթնոլորտում:

Վեհափառ Հայրապետի հրավերով նոյեմբերի 6—9 օրերին Մայր Աթոռում գումարվում է եպիսկոպոսաց ժողովի «Բարեկարգությանց հանձնախումբը»՝ ամենապատիվ տ. Եղիշե սրբազան պատրիարքի նախագահությամբ:

Այս առիթով հանձնաժողովի նիստերին մասնակցելու համար Մայր Աթոռ էին ժամանել հանձնախմբի անդամները, որոնց թվում՝

Տ. Սերովբե արքեպ. Մանուկյանը՝ Փարիզից, տ. Բարզեն արքեպ. Ապատյանը՝ Բուենոս-Այրեսից, տ. Տիրայր եպս. Մարտիկյանը՝ Բուխարեստից, տ. Գնել եպս. Ճերեճյանը՝ Բեյրութից, տ. Ծաֆնե եպս. Աճեմյանը՝ Երուսաղեմից:

Հանձնաժողովի աշխատանքներին մասնակցում էր նաև տ. Կոմիտաս արքեպ. Տեր-Ստեփանյանը՝ Երևանից:

Ամենապատիվ տ. Եղիշե սրբազան պատրիարքը Մայր Աթոռում գտնված օրերին մասնակցում է նաև Մոսկվայի և Համայն Բուսիայի Նորին Սրբոյուն Տ. Պիմեն Պատրիարքի՝ նոյեմբերի 10—14 օրերին Մայր Աթոռ ս. Էջ-

միածին այցելության ատիթով Մայր տանարում կատարված սրբազան արարողություններին և այլ ատիթներով կազմակերպված պաշտոնական ընդունելությանց, ուր հանդես է գալիս սրտագին, հայրենասիրական ելույթներով և Տ. Պիմեն Սրբազան Պատրիարքին ուղած ողջույնի և բարիգալտյան ջերմ խոսքերով:

Նոյեմբերի 17-ին, շաբաթ օրը, երեկոյան ժամը 19-ին, **Վեհափառ Հայրապետը և տ. Եղիշե սրբազան պատրիարքը** այցելում են հոգևոր ճեմարան, ուր հանդիսությանց սրահում նորին ամենապատվությունը հանդիպում է ունենում դասախոսական կազմի և ուսանողության հետ:

Ի պատիվ Հայոց Հայրապետի և սրբազան պատրիարք հոր, գործարության է դրվում գեղարվեստական մի կոկիկ ծրագիր ուսանողության ուժերով՝ շարականներից, երգերից, խմբերգերից, արտասանություններից բաղկացած:

Հոգևոր ճեմարանի տեսուչ տ. Հովհաննես քհն. Մարությանը, ի դիմաց դասախոսական կազմի և ուսանողության, ողջունում է Հայոց Հայրապետի և սրբազան պատրիարքի ներկայությունը:

Հանդիպման ավարտին տեսչի հրավերով ուսանողությանն ուղղյալ օրհնության սրտագին խոսք է ասում տ. Եղիշե սրբազան պատրիարքը:

Մոյն հանդիպումը հոգևոր ճեմարանի հարկի տակ ավարտվում է Տերունական աղոթքով:

Նոյեմբերի 24-ին, ուրբաթ օրը, ժամը 15-ին, **Վեհաբանի սեղանատանը,** ի պատիվ տ. Եղիշե սրբազան պատրիարքի, տ. Գնել, տ. Տիրայր և տ. Ծահե եպիսկոպոսների, տրվում է ողջերթի ճաշկերույթ, որին մասնակցում են նաև տ. Կոմիտաս, տ. Հուսիկ սրբազանները, տ. Արսեն և տ. Արիս ծ. վարդապետները, Հ. Առաքելյանը, Ա. Հատիտյանը և Պ. Ծահրազյանը:

Ճաշկերույթի ժամանակ Վեհափառ Հայրապետը մի անգամ ևս իր բարձր գնահատանքի խոսքն է ուղղում «Բարեկարգությանց հանձնախմբին», որը, ամենապատիվ տ. Եղիշե սրբազան պատրիարքի նախագահությամբ գումարվելով Մայր Աթոռում նոյեմբերի 6—9 օրերին, կատարել է շատ գովելի և օգտակար աշխատանք, վերանայելով անցյալ տարի Երուսաղեմում պատրաստած ծիսական բարեկարգությանց իր ծրագիրը՝ վերջին մեկ տարվա ընթացքում եպիսկոպոսներից ստացված առաջարկությունների ու թելադրությունների հիման վրա, և պարտավորություն է ստանձնել ընդունելի համարված բոլոր առաջարկները մոծել նախագծի մեջ և մոտ ապագայում, այն ներկայացնել Հայոց Հայրապետին, իր վերջնական ձևի մեջ:

Իր խոսքի ավարտին Վեհափառ Հայրապետը գոհունակությամբ և լավատեսությամբ հույս է հայտնում, որ եկեղեցական բարեկարգությանց սկսված գործը շուտով իր ցանկալի ավարտին կհասնի՝ ի պայծառություն Հայաստանյայց սուրբ եկեղեցու:

Ապա Նորին Սրբությունը ջերմ ու խանդավառ սիրով բաժակ է բարձրացնում ամենապատիվ տ. Եղիշե սրբազան պատրիարքի, տ. Գնել, տ. Տիրայր և տ. Ծահե սրբազանների և հանձնախմբի մյուս անդամների կենաց՝ մաղթելով բոլորին բարի ճանապարհ և հաջողություն՝ նրանց հետագա եկեղեցանվեր ու հայրենասիրական գործունեության ճանապարհի վրա:

Հանուն Մայր Աթոռի միաբանության, հոգևոր ճեմարանի դասախոսական կազմի և «Էջմիածին» ամսագրի խմբագրության, ամենապատիվ տ. Եղիշե սրբազան պատրիարքին, տ. Գնել, տ. Տիրայր և տ. Ծահե սրբազաններին ուղղված ողջերթի սրտագին խոսք է ասում նաև Ա. Հատիտյանը:

Իր պատասխան խոսքում տ. Եղիշե սրբազան պատրիարքը, հանուն

«Բարեկարգությանց հանձնախմբի» և իր անունից, շնորհակալություն և երախտագիտություն է հայտնում Վեհափառ Հայրապետին, Մայր Աթոռում հանձնախմբին և անձամբ իրեն ցույց տրված ջերմ հոգածության ու ուշադրության համար և վատահեցնում Նորին Ա. Օծությանը, որ ինքը և հայ եկեղեցու եպիսկոպոսաց ողջ դասը այսուհետև ևս միշտ պատրաստ են իրենց աշխատանքի բաժինը բերելու անսակարկ նվիրումով Մայր Աթոռ և Հայաստանյայց սուրբ եկեղեցու պայծառության գործին, Հայոց Հայրապետի տյտնական հրամանի և օրհնության ներքո:

Վեհափառ Հայրապետին ուղղյալ որդիական երախտագիտության և շնորհակալության ջերմ խոսք է ասում նաև տ. Գնել եպս. Ճերեճյանը:

Երուսաղեմի հայոց սրբազան պատրիարքի պատվին տրված ողջերթի ճաշկերույթն ավարտվում է Վեհափառ Հայրապետի «Պահպանիչ»-ով և Տեղումական աղոթքով:

Նոյեմբերի 25-ին, շաբաթ օրը, տ. Եղիշե սրբազան պատրիարքը հրաժեշտ է առնում Հայոց Հայրապետից և Մայր Աթոռից ու, տ. Շահե եպս. Աճեմյանի ողեկցությամբ, մեկնում և. Երուսաղեմ՝ իր Աթոռը:

Երևանի օդանավակայանում նորին ամենապատվությանը ճանապարհում են, հանուն Հայոց Հայրապետի, տ. Հուսիկ եպիսկոպոսը, տ. Մուշեղ և տ. Ադան վարդապետները:

Օդանավակայանում նորին ամենապատվությանը բարի ճանապարհ մաղթեց նաև Հայկական ՍՍՀ Միևիստրների սովետին առընթեր հայ եկեղեցու գործերի խորհրդի նախագահի տեղակալ Ս. Հովհաննիսյանը:

